

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

STESEN MINYAK DAN STOR HARAM DISYAKI TEMPAT AKTIVITI PENYELEWENGAN MINYAK DIESEL BERSUBSIDI DISERBU PENGUATKUASA KPDNHEP

PUTRAJAYA, 14 Februari 2022 – Kementerian Perdagangan Dalam Negeri dan Hal Ehwal Pengguna (KPDNHEP) berjaya menumpaskan aktiviti penyelewengan minyak diesel bersubsidi dalam dua siri serbuan yang dilakukan ke atas sebuah premis beralamat di Jalan Klang Banting, Jenjarom Kuala Langat, Selangor yang disyaki dijadikan stor tempat penyimpanan minyak diesel haram dan aktiviti pemindahan minyak diesel bersubsidi yang dibeli daripada stesen minyak pada 10 Februari 2022. Serbuan juga dilakukan serentak terhadap sebuah stesen minyak yang beralamat di Jalan Klang Banting, 42600 Jenjarom, Kuala Langat, Selangor dalam lingkungan jarak lima (5) kilometer dari premis stor terbabit.

2. Serbuan yang diketuai oleh Tuan Rosli Bin Ismail yang bermula pada jam 2.50 petang dengan kekuatan seramai 20 anggota Penguat Kuasa KPDNHEP Putrajaya serentak di kedua-dua lokasi tersebut adalah hasil risikan yang telah dilakukan oleh pihak KPDNHEP sejak sebulan yang lalu. Ketika serbuan, terdapat dua (2) buah lori 5 tan berkanvas sedang mengisi minyak diesel bersubsidi menggunakan dua nozel di pam stesen minyak berkenaan ke dalam tangki lori yang telah diubahsuai.

3. Hasil serbuan yang dilakukan ke atas premis disyaki stor penyimpanannya pula mendapati aktiviti pemindahan minyak diesel sedang dilakukan daripada dua (2) buah lori 5 tan berkanvas yang lain yang disyaki daripada sindiket yang sama ke dalam lori jenis tangki untuk tujuan penjualan/penghantaran ke lokasi lain.

4. Kesemua barang kes terbabit telah disita termasuk lori terbabit, minyak diesel sebanyak 26,459 liter, alatan sambungan berupa saluran (*hos*), lima (5) unit *compressor*, *flow meter*, dokumen dan resit untuk siasatan lanjut. Jumlah keseluruhan rampasan dianggarkan bernilai RM 215,680.30.

5. Pasukan serbuan juga telah menahan lima (5) orang pemandu lori, lelaki warga tempatan dan seorang penjaga stor masing-masing berumur lingkungan 25 hingga 50 tahun. Seorang lelaki warga tempatan berusia 36 tahun juga yang mengaku sebagai pemilik stesen minyak berkenaan telah ditahan bagi membantu siasatan.

6. Kertas siasatan telah dibuka dan siasatan lanjut terhadap kes ini akan dilakukan di bawah Akta Kawalan Bekalan 1961 bagi mengenalpasti rangkaian pengedaran minyak diesel tersebut dari stesen minyak ke tempat penyimpanan sehingga ke peringkat pembeli.

7. Jika sabit kesalahan boleh didenda tidak lebih RM 1,000,000.00 (Ringgit Malaysia Satu Juta) bagi orang perseorangan atau penjara tidak melebihi tiga tahun atau kedua-duanya sekali manakala bagi syarikat

sekiranya sabit kesalahan boleh didenda tidak melebihi RM 3,000,000.00 (Ringgit Malaysia Tiga Juta).

8. Kementerian juga akan mengambil tindakan tegas dengan menggantung sementara lesen berkaitan barang kawalan oleh syarikat yang terlibat sehingga siasatan selesai dijalankan.

9. Selain itu, syarikat ini juga akan disiasat di bawah Seksyen 4 (1) Akta Pencegahan Pengubahan Wang Haram, Pencegahan Pembiayaan Keganasan dan Hasil Daripada Aktiviti Haram 2001 (AMLATFPUAA 2011) (Akta 613) iaitu kesalahan pengubahan wang haram bagi tujuan mengesan, membeku, menyita serta sehingga ke peringkat perlucutan ke atas apa-apa hasil pendapatan atau harta yang dijana daripada aktiviti haram penyelewengan barang kawalan bersubsidi terutamanya berkaitan minyak diesel ini.

10. Jika disabitkan dengan kesalahan di bawah Akta 613 ini boleh dipenjarakan selama tempoh tidak melebihi lima belas (15) tahun dan juga boleh didenda tidak kurang daripada lima kali ganda jumlah atau nilai hasil daripada aktiviti haram atau peralatan kesalahan itu pada masa kesalahan itu dilakukan atau lima juta ringgit yang mana yang lebih tinggi.

11. KPDNHEP ingin memberikan amaran keras kepada semua peniaga dan menegaskan bahawa Kementerian tidak akan berkompromi dengan mana-mana pihak yang didapati terlibat dalam sindiket dan aktiviti haram ini. Tindakan tegas akan di ambil termasuk mendakwa mereka di Mahkamah

berdasarkan peruntukan undang-undang di bawah Akta Kawalan Bekalan 1961.

12. Orang ramai disarankan untuk menjadi mata dan telinga kepada pihak berkuasa dengan memberikan kerjasama sekiranya mempunyai sebarang maklumat berhubung aktiviti penyelewengan barang kawalan dan bersubsidi ini bagi memastikan aktiviti penyelewengan barang kawalan dan bersubsidi ini dapat dibanteras sehingga ke akar umbi yang boleh mendatangkan kesan buruk kepada rakyat dan Negara.

13. Orang ramai yang mempunyai sebarang maklumat berhubung penyelewengan barang kawalan dan bersubsidi ini boleh menyalurkan aduan kepada pihak Kementerian melalui saluran berikut:

- i. WhatsApp 019-279 4317
- ii. Portal Aduan; e-aduan.kpdnhep.gov.my
- iii. Call Centre 1-800-886-800
- iv. Emel e-aduan@kpdnhep.gov.my
- v. Ez ADU KPDNHEP

Azman bin Adam
Pengarah Penguat Kuasa
Kementerian Perdagangan Dalam Negeri
dan Hal Ehwal Pengguna
PUTRAJAYA,

14 Februari 2022

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran. Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidakpastian. Perdagangan pengedaran perlu kukuh bagi menampunkan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapkan dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusan niaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP :



